




| | | | | |
|--|--|----|------|-----|
| | | | | 漢書門 |
| | | | 九〇三七 | |
| | | 一六 | | |
| | | 四一 | 九 | |
| | | 冊架 | 函號 | 類 |


| | | | |
|----|------|---|---|
| 庫 | 文 | 閣 | 內 |
| 六四 | 九〇三七 | 漢 | |
| 冊架 | 函號 | 類 | |

史部

| | |
|------|---------|
| 內閣文庫 | |
| 番號 | 漢 9037 |
| 冊數 | 4 (1) |
| 函號 | 284 69 |

284-69






余每過郡經劉子履公之

門必聞其嘯咏琅琅之聲

達戶外間入其戶憇其亭



菊畦竹徑几榻書卷蕭然
森然宛乎古名士家風則
心甚樂之及閱其所制菹
滔滔滾滾氣若江河之來

千里不息而理有原事有
統稽據詳委使人不敢僅
以年少才人目之予因謂
劉子子其胸中具今古說

林耶何其闕達而厚蘊藉
也劉子笑而不答今觀其
帝王傳統一書而乃知劉
子果非僅年少才人也胸

中果具今古說林也以上
下數千百年而盡之一二
寸書統系正焉謚號備焉
治亂畫焉昔永叔子瞻子

吳序三
厚正統霸統紛紛競辨至
勤著論說而迄不得其定
蓋各是其是則各非其非
前之所見既或有攸主後

之所論又務據其勝勝心
生而刻核起刻核起而人
弗易屈服矣此古今論事
之一病也賢者不免而劉

吳序四
予一舉而析系之各與以
所安卽起昔統方國傳四
海者視之而知莫或迕無
他唯其稱也至夫紀元一

事載於編年之史大書分
書當已而考者旣不便遺
漏者十嘗二三卽自成書
者幾家矣家各弗詳卽詳

矣而予槩弗深取何也有
天下者之得失不甚繫是
焉雖前稱後襲取譏寡陋
何損於主之聖道之治耶

此小儒區區夸博之習其
何足云今劉子之所爲備
異是謚之所表名號罔或
遺謚號之所著其主其時

其大事之錄以存亡罔弗
紀而又約十百于一二言
簡而易曉一舉目而法戒
燎若掌指上可禪君相而

下甚便諸儒生予故謂此
盈寸之書政非貫古今倫
理識其大要烏乎能筆之
斷之無所疑哉朕予聞劉

子於經國諸務如用人治
兵錢穀鹽屯牧皆與其師
若友夙夜講求犁狀畫一
以儲侍

天子顧問者其書不啻等身
則是書豈足以盡劉子也
與

崇禎壬午清和月婁上第

吳偉業書於金閭舟次



序

孟子曰天下之生久矣一治一
亂治亂相尋如環無端而有以
陰繫於其間而不絕者統也分
合有時得失有數奉一人以爲

之主而統屬焉其位同其名同
而推厥繇來所以受命得天之
理則不同昔人正閏之說誰敢
奸之門人劉履公氏弱冠讀史
輯成傳統錄八卷大約致嚴於

正閏原本紫陽之舊而參以涑
水開弓瞭朕如碁布而星羅也
就予請益予作而歎曰嗟乎統
系之際蓋可忽乎哉皇帝王尚
已後之有天下而絕無愧於皇

帝王之統者惟漢及我
明爲最毋論秦之強元之大不
足比隆於兩代卽唐宋之始因
利乘便晉陽之謀陳橋之變君
子緣其跡而不能不病其心他

可知矣嗟乎執是以辯統統其
可得僭也耶得之以正而守之
以正者上也漢與
明是也得之稍有不正而守之
以正者次也唐與宋是也其得

之未必不正而律以春秋之旨
不得不別異於大正者又次也
秦與元是也若其他欺孤弱寡
狐媚鼠竊則終始於亂而已矣
嗟乎天不嘗治也而亂伏於治

天不終亂也而治仍倚於亂予
嘗綜覽古今之大勢不能不三
歎於治少而亂多也七國分而
秦合之亂極矣而猶有待於漢
南北分而隋合之亂極矣而猶

有待於唐宋遼金分而元合之
亂極矣而猶有待於

明假使天終不生聖人水火之
虐何時而已况其間莽操接軫
氏羌四塞爭角迭起奇變錯出

生民之禍亦酷矣哉而總之治
有治統亂有亂統治治統必一亂
統必散統之所在天之所在也
識往可以鑒來觀前可以鏡後
凡有天下國家之責者當兢兢

於傳統之重而求其長治也矣
是書也經始於丁丑觀成於戊
寅取二十二史之綱條分派別
履公氏實尸其勳予拙且鈍方
以墻面自憂其何力之有焉

崇禎壬午愚齋學人徐燝禧題
於南園之招隱亭



其世則有司馬氏之通鑑朱
其世則有司馬氏之通鑑朱
其世則有司馬氏之通鑑朱
其世則有司馬氏之通鑑朱
其世則有司馬氏之通鑑朱

序

夫傳統何為而纂也以讀史
者必考其人考其人必論其
世而纂也狀則欲考其人論
其世則有司馬氏之通鑑朱

子之綱目上而史漢諸書無
不備誌則傳統又何爲而纂
也夫傳統一錄實以讀史苦
其浩瀚或至充棟而不能寓
目間有嗜古之士展卷不輟

生平亦止一二過多者四五
過或復不能一一記憶於是
通鑑綱目史漢諸書遂若爲
鼎彝之器珍奇之饒不足以
適我用而療我饑以千載而

下與之言千載而上遂茫乎
不知畔岸矣余自戊寅春年
未總角受業於綏祉徐夫子
凡課習之暇必討論得失之
林講求治忽之繇徐夫子爲

之手畫口陳余殆不甚省卽
省矣而浹旬累月之後或記
其大略或遺其八九豈通鑑
史漢諸書若是其不易讀耶
抑得其要領而後可尋源而

竟委耶因思古今之得失治
忽莫不繫於得統之一人統
或不詳則考其人不必服其
人之心論其世不必知其世
之故無怪乎說而不省省而

不記讀史而有望洋之嘆已
迺上自盤古下迄宋元以至
國朝於天家禪代易姓改元皆
悉爲詳錄至如南北鼎峙羣
雄割據亦各著其始末另爲

編輯而歷朝之大事并載其
一二庶幾考其人而論其世
不至茫乎不知其畔岸已耳
錄成一帙藏諸篋中久矣適
同學有窺者謂是錄也甚有


當於讀史者之心索余稿欲
付諸剗剗噫余以寡見渺聞
之人而敢以著書立言自任
哉辭不獲已余更請於徐夫
子其有掛漏者我夫子參考

列傳五
同異而筆之其有繁蕪者我
夫子刪削字句而正之乃以
是錄質之同學遂交口謂余
曰子其付諸剞劂真有當於
讀史者之心矣朕則傳統錄

者本諸通鑑綱目史漢諸書
而補輯刪潤則又爲我師與
我友之功余敢竊師友之功
以爲已力哉

崇禎壬午孟夏吳郡劉綦履

公氏述於采山堂



序

幼遵庭誨即潛心於史竊
謂人各一傳詳其始終者
二十一史也倣左氏傳編
年通成一部者司馬公通

鑑也以事區別約二百餘
類者袁公紀事本末也然
皆編簡浩繁每令人有望
洋之歎及見履公舅氏所
著帝王傳統錄上起三皇

下迄當代其紀元也詳其
書事也畧可以發蒙可以
反說欣然卒業嘆為必傳
不書而舅氏固久秘度閣
徒為蟲絲蠹粉之資將謂

嶺上白雲止堪自悅與抑
豐城埋劍待光怪發而後
出與舅氏曰吾方灌蔬植
卉以娛親何暇及此也嗚
呼著書立言揚名於後吾

以為娛親莫大於是也因
遵庭誨遂忘愚陋取家藏
史冊與仲弟方平斟酌較
讐付之梓同人皆嘆曰善
如好博之士嫌其太簡則

有二十一史通鑑并紀事
本末在新安程維培題於
交勉堂



凡例

一正閏統繫悉遵朱子綱目正統每帝分條編載頂
格特書閏統卽於正統後附紀一國之興亡本末
共爲一則不大書其謚號蓋亦倣甲子分注之例
也其間一二大事有關傳統或係治道悉附錄之
朕有詳有略於讀史之暇隨筆所至多所掛漏識
者教之

一紀元自漢武帝後皆有年號正統易攷凡諸僭僞
頗難縷析茲一一詳注一朝止用一元者總結年

數若干一朝或易幾元者卽於年號下小注復總結若干皆考之正史及叅訂紀元諸書不敢稍爲模糊故凡年號與有國有天下之號各爲圈出於此略具苦心或恕其寡陋可也

一五帝以前無甲子可紀自唐堯甲辰元載爲始於每代之終總結成數俾開卷時便知古帝王曆數修短非特便考亦以見天家興廢所關於理亂者不輕耳

一閏統僭叛必提清正統年號作主某起於某朝之幾年某盡於某代之幾年則事有源流世有次序不致顧彼失此覽者務期得其要領

一國朝雖有各廟實錄及吾學編憲章錄大事記鴻猷錄從信錄大明會典紀錄彙編諸書皆未經館閣訂定汗漫不一茲就諸書中摘其尤要者獨成一卷草莽愚臣不知忌諱敢曰定論哉
一記載於僭僞稍詳而正統近略蓋正統人所習知而僭僞本末則通鑑纂輯諸本所未備也就正統中宋元尤簡實因宋史元史卷帙太繁收不勝收

寧從過略焉耳狀搜羅幾百年事於數葉之中良非易易矣

一歷代事蹟俱本成書不敢略叅臆見稍有疑者則闕而弗詳卽一字一句皆經前史所載寧簡毋浮博古者自不以無本見誚也

一是書纂於崇禎丁丑戊寅二歲時予甫弱齡家嚴以手批諸史日夕課覽竟卷茫狀綏社徐業師乃分疏鈎劃授予以成法予得極意考核漫成一帙便篋中攜帶鏤版行世何敢望焉 劉棊謹識

通鑑全史彙編歷朝傳統錄目次

○卷之一

三皇紀

盤古氏

天皇氏

地皇氏

人皇氏

附十紀

有巢氏

燧人氏

五帝紀

伏羲氏

神農氏

黃帝氏

帝少昊

帝顓頊

帝嚳氏

專克錄

目次

帝堯氏

帝舜氏

夏紀

大禹

帝啓

太康

仲康

帝相

少康

帝杼

帝槐

帝芒

帝泄

帝不降

帝扃

帝廙

帝孔甲

帝皐

帝發

帝履癸

商紀

成湯

太甲

沃丁

太庚

小甲

雍巳

太戊

仲丁

外壬

河亶甲

祖乙

祖辛

沃甲

祖丁

南庚

陽甲

盤庚

小辛

小乙

武丁

祖庚

祖甲

廩辛

庚丁

武乙

太丁

帝乙

紂

周紀

武王

成王

康王

昭王

穆王

共王

懿王

孝王

夷王

厲王

宣王

幽王

平王

後為東周

桓王

莊王

釐王

惠王

襄王

頃王

匡王

定王

簡王

靈王

景王

悼王附

敬王

元王

貞定王

哀王思王附

考王

威烈王

安王

烈王

顯王

慎靚王

赧王

東周君

○卷之二

秦紀

始皇帝

二世皇帝

子嬰

附秦末諸國

專充錄

目次

三

楚陳涉項羽

趙趙歇

齊田儋

燕韓廣

魏魏豹

韓韓成

西漢紀

高祖皇帝

惠帝 高后附

文帝

景帝

武帝

昭帝

宣帝

元帝

成帝

哀帝

平帝

孺子嬰

附紀

新王莽

淮陽王劉玄

赤眉劉盆子

卜者王郎

蜀公孫述

隗囂

東漢紀

光武皇帝

明帝

章帝

和帝

殤帝

安帝

順帝

冲帝

質帝

桓帝

靈帝

獻帝

○卷之三

季漢紀

昭烈皇帝

後帝

附紀

魏曹操

吳孫權

晉紀

世祖武帝

惠帝

懷帝

愍帝

東晉紀

元帝

明帝

成帝

康帝

穆帝

哀帝

帝奕

簡文帝

孝武帝

安帝

恭帝

附五胡

前趙劉淵

後趙石勒

前燕慕容廆

前秦苻健

後秦姚萇

西燕慕容冲

後燕慕容垂

南燕慕容德

北燕馮跋

前凉張軌

後凉呂光

西凉李暠

南凉秃髮烏孤

北凉沮渠蒙遜

西秦乞伏國仁

大夏赫連勃勃

蜀李特附

○卷之四

南北朝

宋紀

武帝

營陽王

文帝

孝武帝

廢帝

明帝

蒼梧王

順帝

齊紀

高帝

武帝

鬱林王

海陵王

明帝

東昏侯

和帝

梁紀

武帝

簡文帝

孝元帝

敬帝

後梁

附

陳紀

武帝

文帝

臨海王

宣帝

後主

附紀

北魏拓跋氏

後改姓元

北齊高氏

北周宇文氏

○卷之五

隋紀

文帝

煬帝

恭帝

皇泰主

附

附隋末僭國

魏李密

鄭王世充

夏竇建德

秦薛舉

凉李軌

定陽劉武周

燕高開道

漢東劉黑闥

魯徐圓朗

楚林士弘

梁蕭銑

宋輔公祐

杜伏威附

梁沈法興

吳李子通

楚朱粲

梁梁師都

唐紀

高祖

太宗

高宗

中宗

附武后

睿宗

玄宗

附偽齊安祿山史思明

肅宗

代宗

德宗

順宗

○卷之六

憲宗

穆宗

敬宗

文宗

武宗

宣宗

懿宗

僖宗

昭宗

昭宣帝

後梁紀

太祖

均王

後唐紀

莊宗

明宗

閔帝

廢帝

後晉紀

高祖

出帝

後漢紀

高祖

隱帝

後周紀

太祖

世宗

恭帝

○卷之七

附唐末十國

吳楊行密

南唐李昇

前蜀王建

後蜀孟知祥

南漢劉隱

閩王審知

北漢劉旻

楚馬殷

南平高季興

吳越錢鏐

岐李茂貞附

燕劉守光附

宋紀

太祖

太宗

真宗

仁宗

英宗

神宗

哲宗

徽宗

欽宗

高宗後為南宋

孝宗

光宗

寧宗

理宗

度宗

恭宗

端宗

帝昺

附紀

遼耶律氏

夏李氏

金完顏氏

元紀

世祖

成宗

武宗

仁宗

英宗

泰定帝

明宗

文宗

寧宗

順帝

附元末僭號五處

宋韓林兒

天完徐壽輝

漢陳友諒

夏明玉珍

周張士誠

○卷之八

明紀

太祖高皇帝

文宗

建文皇帝

成祖文皇帝

英宗

仁宗昭皇帝

英宗睿皇帝

宣宗

景皇帝

憲宗純皇帝

世宗

孝宗敬皇帝

武宗毅皇帝

宣宗

世宗肅皇帝

穆宗莊皇帝

神宗

神宗顯皇帝

光宗貞皇帝

熹宗哲皇帝

傳統錄目次終

傳統錄

目次

通鑑全史彙編歷朝傳統錄卷之一

長洲 徐燁禧綏祉 鑿閱

吳郡 劉 綦履公 纂輯 史名炳晨

休寧 程維培載翼 較訂

三皇紀

盤古氏

盤古猶言盤固氏者指其人而名之也按天地初分之時盤古生於其中能知天地高卑及造化之理故俗傳曰盤古分天地又名渾敦氏渾敦者未

昭晰之謂也。

天皇氏

天陽氣上積而成形者也。皇大君也。謂之天皇氏者。取天開於子之義。始制十干十二支之名。以定歲之所在。一姓十三人。兄弟各一萬八千歲。

地皇氏

地陰氣下凝而成質者也。謂之地皇氏者。取地闢於丑之義。爰定三辰。是分晝夜。以三十日為一月。一姓十一人。兄弟各一萬八千歲。

人皇氏

人者神也。人為萬物之最靈也。謂之人皇氏者。取人生於寅之義。相厥山川。分為九區。故又曰居方氏。政教君臣所自起。飲食男女所自始。一姓九人。亦號九皇氏。合四萬五千六百年。

上古十紀

○九頭紀

○五龍紀

○攝提紀

○合雒紀

○連通紀

○敘命紀

以上六紀史不

載其
氏號

傳克錄

卷之一

二

○循蜚紀 史稱有號無世凡二十二氏

鉅靈氏 句疆氏 譙明氏

涿光氏 鈎陣氏 黃神氏

巨神氏 犁靈氏 大颯氏

鬼颯氏 奔茲氏 泰逢氏

冉相氏 蓋盈氏 大敦氏

靈陽氏 巫常氏 泰壹氏

空桑氏 神民氏 倚帝氏

次民氏

○因提紀 史稱有號有世凡十三氏

辰放氏 蜀山氏 魍傀氏 傳六世

渾沌氏 東戶氏 皇覃氏 傳七世

啓統氏 吉夷氏 几蘧氏

稀韋氏 有巢氏 燧人氏 傳八世略見後

庸成氏 傳八世

○禪通紀 凡十世

軒轅氏 祝融氏 伏羲氏 後略見

史皇氏 即倉帝名頡。朔文字。文字成天爲雨粟。鬼爲夜哭。

栢皇氏

中央氏

大庭氏

栗陸氏

昆連氏

赫胥氏

葛天氏

尊盧氏

吳英氏

有巢氏

史稱去巢為居故亦名

朱襄氏

陰康氏

無懷氏

女皇氏

即女媧煉石補

天者

神農氏

略見後

○疏仡紀

其世則自黃帝以迄於周

按陳桎曰春秋元命苞曰天地開闢至春秋魯哀公蔣十四年獲麟之歲凡三百二十六萬七

千年分為十紀其一曰九頭紀即人皇氏也古

者謂一頭為一人人皇兄弟九人故也二曰五

龍紀五姓兄弟五人曰皇伯皇仲皇叔皇季皇

少治在五方司五行布山嶽繼人皇御世者也

三曰攝提紀五十九姓繼五龍氏以治分天下

而居焉四曰合雒紀三姓繼攝提氏以治始教

民穴居者也五曰連通紀六姓繼合雒氏以治

六曰敘命紀四姓繼連通氏以治七曰循蜚紀

八曰因提紀九曰禪通紀十曰疏仡紀自人皇

氏至敘命紀凡八十三君自循蜚而後皆有世
次可紀禪通則終於炎帝疏仡則始於黃帝以
迄於周言雖繁而事不經見聞者惑焉朕慎其
世而著其號舍其怪而存其常依史列之存疑
可也

有巢氏

太古之民穴居野處無有姦傷迨乎後世人民機
智而物始爲敵爪牙角毒不足以勝禽獸有巢氏
構木爲巢教民居之以避其害故因以爲號焉

燧人氏

時未知熟食燧人氏知空中有火麗木則明於是
鑽木取火教民以烹飪而民利之故因以爲號

五帝紀

太昊伏羲氏

風姓代燧人氏而王母居華胥之渚履巨人跡意
有所動虹且遶之因而始娠生帝於成紀以木德
王都於陳又名庖犧氏畫八卦造書契作甲曆定
歲時干支相配起於甲寅六甲而天道周矣造琴

傳克錄

卷之一

五

瑟制嫁娶教民佃漁畜牧以龍紀官在位一百十五年崩

炎帝神農氏

姜姓父曰少典母曰安登以火德王代太昊氏治天下故曰炎帝其起本於烈山又號烈山氏亦曰連山氏伊耆氏大庭氏魁隗氏味草木之滋察其寒溫平熱之性辨其君臣佐使之義嘗一日遇七十毒遂作方書而醫道立復因天時相地宜斲木為耜揉木為耒教民藝五穀而農事興故又曰神

農氏始為日中之市以火紀官都於陳遷曲阜在位一百四十年崩傳位於子臨魁

帝臨魁

帝在位八十年崩傳位於子承

帝承

帝在位六十年崩傳位於子明

帝明

帝在位四十九年崩傳位於子宜

帝宜

帝在位四十五年崩傳位於子來。

帝來

帝在位四十八年崩傳位於子裏

帝裏

帝在位四十三年崩傳位於曾孫榆罔。

帝榆罔

帝裏生節莖節莖生克榆罔乃克之子也在位五十五年諸侯携貳尊公孫軒轅爲天子降封於潞神農氏遂亡。

黃帝有熊氏

有熊國君少典之子姓公孫名軒轅生於壽丘長於姬水改姓姬神農世衰軒轅習用干戈以征不享修德振兵與炎帝戰於阪泉之野三戰狀後得志蚩尤作亂戰於中冀名其地曰絕轡之野遂代神農爲天子以土德王始立法度制陣法畫井田造曆律作算數制袞冕定舟車行五幣命元妃西陵氏教民蠶得六相而天下治以雲紀官都涿鹿在位一百年壽百十有一歲崩又號帝鴻氏歸藏

氏子玄囂立是爲少昊金天氏

少昊金天氏

姓巳名摯母曰嫫祖感大星如虹而生帝降居江水邑於窮桑故號窮桑氏國於青陽又號青陽氏以金德王遂號金天氏能修太昊之法故曰少昊都曲阜以鳥紀官在位八十四年壽百歲葬雲陽又號雲陽氏兄昌意之子高陽立是爲顓頊高陽氏

顓頊高陽氏

姓姬母曰昌僕感瑤光貫月之祥而生帝十歲佐少昊年二十卽帝位以水德王都帝丘初國高陽故號高陽氏或曰顓者專也頊者正也能專正天人之道故稱之在位七十八年壽九十七歲崩少昊之孫帝嚳立是爲帝嚳高辛氏

帝嚳高辛氏

姓姬名亥祖曰少昊父曰蟠極年十五佐顓帝受封於辛故號高辛氏年三十卽帝位以木德王都於亳在位七十年崩壽九十九歲帝納四妃元妃

有郃氏女曰姜嫄。生稷。次妃有娥氏女曰簡狄。生契。次妃陳鋒氏女曰慶都。孕十四月。生堯於丹陵。次妃姬訾氏女曰常儀。生摯。摯立九年。不修善政。諸侯廢之。而尊堯爲天子。

附紀

黃帝之時。有帝鴻氏。姓嬉。名軀。其子縉雲氏。生不才子曰渾沌。渾沌生驩兜。驩兜生三苗。至唐堯之世。世濟其惡。乃竄三苗於三危。放驩兜於崇山。三苗生始均。是爲北狄之祖。

帝堯陶唐氏

堯。帝嚳之子。摯之弟也。堯。堯也。至高之貌。舊謂謚法翼善。傳聖曰堯。非是。周時始有謚。前此未嘗有也。按皇甫謐云。堯初生時。從母在三阿之南。寄於伊長孺之家。故從母所居爲姓。曰伊祁氏。受封於陶。改國於唐。故又號陶唐氏。十六而立。以火德王。都平陽。舊史干支紀歲。自甲辰元載始。作曆象。置閏法。蓂莢生於庭。在位七十二載。命舜受終。居攝。又二十有八載。壽一百一十六歲崩。禪位於舜。

帝舜有虞氏

舜姓姚氏黃帝八代孫也舜僭也言能推信堯道而行之舊謂謚法仁聖盛明曰舜非是父瞽瞍惑於後妻并少子象常欲殺舜舜盡孝悌之道事父母待其弟猶加恭順二十以孝聞三十四岳薦於帝堯乃歷試之而禪以位焉舜避堯子丹朱於河南天下不歸堯之子而歸舜以土德王都蒲阪丙戌歲爲元載在位五十年南巡狩崩於蒼梧之野壽一百有十歲先命禹總師禹受命是爲夏后氏

按劉恕曰六經惟春秋及易彖象文言說卦序卦雜卦仲尼所作詩書仲尼所刪定皆不稱三皇五帝易下繫曰古者包犧之王天下也包犧氏沒神農氏作神農氏沒黃帝堯舜氏作繼氏更王而無三五之號周禮外史掌三皇五帝之書而不指其名管子稱明一者皇察道者帝通德者王謀得兵勝者霸孔穎達曰管子書或是後人所錄非本書也莊子列子皆寓言誕妄秦漢學者宗其文辭競稱三皇五帝要知仲尼未嘗道也狀則皇帝王之

傳錄金
名果何屬乎。漢孔安國以伏羲神農黃帝爲三皇。少昊顓頊高辛堯舜爲五帝。不知何本。蓋孔子家語自伏羲以下皆稱曰帝。月令有帝太昊帝炎帝。帝黃帝之目。則未嘗以伏羲神農皇帝爲三皇也。皇者初冒天下者也。帝者主宰天下者也。混沌初開。先有天而後有地。則氣化而人生焉。準之天開於子。地闢於丑。人生於寅之義。則三皇之疑釋矣。宋五峰胡氏不信傳而信經。斷以易大傳伏羲神農黃帝堯舜爲五帝。而五帝之疑釋矣。梁武帝所稱五帝獨舜不與焉。尤爲說之難通者也。

夏紀

夏后氏大禹

禹姓姒氏。黃帝之玄孫也。舊謂謚法受禪成功曰禹。非是。父鯀治水無功。堯殛之於羽山。舜舉禹使續父業。八年而告成功。錫以玄圭。舜崩。禹避位於陽城。天下不歸舜之子商均而歸禹。遂爲天子。以金德王。都安邑。南巡狩。會諸侯於塗山。執玉帛者萬國。行貢法。改載爲歲。元歲丙子。在位八年。壽百

傳 續錄
二
歲崩傳位於子啓

夏帝啓

元歲甲申在位九年傳位於子太康

夏帝太康

元歲癸巳王畋於洛水之表十旬弗歸有窮之君
后羿距之於河遂都陽夏壽二十九歲崩羿立其
弟仲康

夏帝仲康

元歲壬戌在位十三年傳位於子相

夏帝相

元歲乙亥帝相既立權歸后羿相爲羿所逐居商
丘依同姓諸侯斟灌斟鄩氏寒浞者伯明氏之讒
子弟也羿收之使輔已將歸自畋家衆殺而烹之
寒浞自立弑王于帝丘初浞因羿室生澆及豷浞
使澆滅斟灌斟鄩氏相后緡方娠逃出自竇歸于
有仍后之母國而生少康少康既長爲仍牧正澆使椒
求之奔有虞虞君娶之以二姚有田一成有衆一
旅能布其德而脩其政遂收夏衆初夏有舊臣靡

奔有鬲氏為收二國之燼舉兵滅浞使其臣女艾滅澆於過使其子季杼滅澧於戈而少康得復故都焉實為萬世人君中興之祖

按史記帝相之後即列少康而外紀編年后羿滅夏后氏代夏政篡位八年寒浞篡位三十二年夏統中絕者凡四十年

夏帝少康

元歲壬午在位二十二年夏道復興傳位於子杼

夏帝杼

元歲甲辰在位十七年傳位於子槐

夏帝槐

元歲辛酉在位二十六年傳位於子芒

夏帝芒

元歲丁亥在位十八年傳位於子泄

夏帝泄

元歲乙巳在位十六年傳位於子不降

夏帝不降

元歲辛酉在位五十九年傳位於弟扃

夏帝扃

元歲庚申。在位二十一年。傳位於子厯。

夏帝厯

元歲辛巳。在位二十一年。帝不降之子孔甲立。

夏帝孔甲

元歲壬寅。在位三十一年。不務修德。好鬼神之事。肆行淫亂。夏政始衰。傳位於子皐。

夏帝皐

元歲癸酉。在位十一年。傳位於子發。

夏帝發

元歲甲申。在位十九年。傳位於子履癸。卽桀也。

夏帝履癸

元歲癸卯。自孔甲以來。諸侯多叛。桀尤爲無道。暴狠貪淫。殘害百姓。在位五十二年。伊洛竭。泰山崩。災異迭見。商湯起而伐之。放於南巢。三歲死於亭山。至周封夏后氏之後於杞。

○夏自大禹丙子起。至桀甲午止。共十七王。合四

百五十八年。

紀元錄云四百三十九年

商紀

商王成湯

姓子氏名天乙一名履帝嚳子契十三代孫也契仕唐虞為司徒教民有功封於商湯為諸侯聘元聖伊尹進之於桀桀不能用桀殺直臣龍逢湯使人哭之桀怒囚湯於夏臺已而得釋伊尹遂相湯伐桀放桀於南巢遂代夏而為天子國號曰商改歲為祀以乙未十有八祀即位未嘗改元至丁未三十祀崩實在位十三年以水德王都于亳

即今歸德

府

自三代以前皆以建寅之月為正月湯革夏命乃易為建丑大旱七年湯以六事自責躬禱於桑林之野大雨方數千里行助法以便公私壽一百歲太子太丁早卒傳外丙二年仲壬四年俱享國不久太丁之子嗣位是為帝太甲

商帝太甲

元祀戊申既即位不明厥德顛覆湯之典型伊尹為阿衡輔政作書陳誡王未克變不得已放之桐宮俾親近湯陵墓不狎於不順于是太甲悔過處

傳克錄

卷之一

七

仁遷義三年伊尹以冕服奉王復辟增修善政號為太宗在位三十三年傳位於子沃丁

商帝沃丁

元祀辛巳在位二十九年傳位於弟太庚

商帝太庚

元祀庚戌在位二十五年傳位於子小甲

商帝小甲

元祀乙亥在位十七年傳位於弟雍巳

商帝雍巳

元祀壬辰**商**道寢衰諸侯不至在位十二年傳位於弟太戊

商帝太戊

元祀甲辰**商**道復興有賢臣巫咸伊陟臣扈等共輔之諸侯畢朝遠方重譯至者七十六國號稱中宗在位七十五年傳位於子仲丁

商帝仲丁

元祀巳未亳都河決乃遷於囂在位十三年傳位於弟外壬

囂即今開封府河陰縣漢時敖倉地

商帝外壬

元祀壬申。在位十五年。傳位於弟河亶甲。

商帝河亶甲

元祀丁亥。囂都又有河決之患。復遷於相。在位九年。傳位於子祖乙。相。卽今彰德府。

商帝祖乙

元祀丙申。相都又有河決之患。乃自相遷都於耿。今蒲州河津縣。九祀。王在耿爲水所圯。王懼。又徙都於邢。今順德府。商道更興。在位十九年。傳位於子祖辛。

商帝祖辛

元祀乙卯。在位十六年。傳位於弟沃甲。

商帝沃甲

元祀辛未。在位二十五年。王崩。國亂。祖辛之子祖丁立。

商帝祖丁

元祀丙申。在位三十二年。王崩。國亂。沃甲之子南庚立。

商帝南庚

元祀戊辰在位二十五年王崩國亂祖丁之子陽

甲立自仲丁以來廢嫡而更立諸弟子子弟爭立比九世亂于是諸侯莫朝矣

商帝陽甲

元祀癸巳在位七年傳位於弟盤庚

商帝盤庚

元祀庚子時商道寢衰邢都又有河決之患乃仍都於亳改國號曰殷行成湯之政諸侯復來朝在位二十八年傳位於弟小辛殷卽今河南偃師縣

商帝小辛

元祀戊辰是時殷道又衰在位二十一年傳位於

弟小乙

商帝小乙

元祀巳丑在位二十八年傳位於武丁○甲寅二十有六祀古公亶父爲戎狄所侵乃自陶遷岐而民五倍其初改國號爲周王業之興實基於此

商帝武丁

元祀丁巳居喪三年不言諒陰之後恭默思道因夢賚良弼肖像求之得傳說於版築之間爰命作

相。殷道復興，號為高宗。在位五十九年，傳位於子

祖庚。

商帝祖庚

元祀丙辰，在位七年，傳位於弟祖甲。

商帝祖甲

元祀癸亥，初高宗欲廢祖庚，立祖甲。祖甲以為不義，逃於民間。及即位，爰知小人之依，能保惠於庶民，不敢侮鰥寡。在位三十三年，傳位於子廩辛。○庚寅二十有八祀，周世子季歷生子昌，有聖瑞。古

公曰：我世當有興者，其在昌乎。

商帝廩辛

元祀丙申，在位六年，傳位於次子庚丁。

商帝庚丁

元祀壬寅，在位二十一年，傳位於子武乙。

商帝武乙

元祀癸亥，荒淫無道，囊血射天，獵於河渭，暴雷震死。在位四年，傳位於子太丁。

商帝太丁

元祀丁卯在位三年傳位於子乙

商帝乙

元祀庚午在位三十七年殷道益衰庶子微子啓長且賢太師箕子勸立之太史據法以爭乃立后之子辛卽紂也

商帝辛

元祀丁未紂資辨捷疾材力過人性汰侈好酒色得有蘇氏女妲己嬖之作朝歌北鄙之音北里之舞靡靡之樂酒池肉林男女裸相逐於其間百姓

怨望諸侯多叛乃制爲炮烙之刑以誅罰爲威暴虐無辜醢九侯殺鄂侯囚西伯於羗里西伯之臣散宜生之徒因嬖臣費仲獻美女珍奇之物乃得釋且賜弓矢斧鉞得專征伐焉在位三十二年紂惡貫盈比干強諫紂怒剖其心周武王起而伐之前徒倒戈攻于後以北紂乃衣珠玉自焚於鹿臺而死武王斬妲己封紂之子武庚於殷尋與三監叛國滅復封微子於宋以奉湯祀

按史記謂武王入至紂死所自射之三發而後下

車以輕劍擊之。以黃鉞斬紂頭，懸太白之旗，通鑑因之，謬妄甚矣。賈子言紂死，棄玉門之外，觀者皆進蹴之。武王使人帷而守之，猶弗止也。此事近實。○商自成湯乙未起，至辛紂戊寅止，共二十八王，合六百四十四年。

周紀

周武王

姬姓，名發，西伯昌文王之次子也。其先祖后稷，名棄，有邰氏女姜嫄為帝嚳元妃，履巨人跡，身動如

孕，遂生后稷。兒時遊戲，好種樹麻菽，及長，能相地之宜，宜穀者稼穡焉。民皆則之。堯舉為農師，有功，封於邰。后稷卒，子不窋立。值夏后氏政衰，去稷弗務，不窋遂失其官，而犇戎狄之間。傳二世而至公劉，復修后稷之業，民賴其治。多徙而歸之。周道之興，自此始。公劉卒，子慶節立，國於邰。又傳八世而至古公亶父，薰鬻攻之，去邰遷岐。生泰伯、虞仲、季歷。泰伯知古公欲立季歷，乃挈仲俱逃之荊蠻，為勾吳長。以讓季歷。季歷生昌，實有聖德，是為文王。

也。獵於渭水之陽，得呂尚，載與俱歸，尊曰師尚父。諸侯歸心，號爲西伯。崇侯虎譖西伯於紂，紂囚之。羸里，文王益易之八卦爲六十四卦。其臣閔天之徒，患之，因嬖臣費仲獻美女，玩好之物，而得釋。紂復賜之弓矢斧鉞。西伯陰行善，諸侯皆來決平。終不改臣節。壽九十七歲崩。至武王立，十有三年，紂惡不悛，不得已伐商。誓師於孟津，諸侯不期而會者八百國。一戎衣，天下大定。咸受命於周，尊爲天子。已卯年踐位，以木德王。都於鎬，易建丑爲建子。改祀曰年，大封建，同異姓於天下。帝王苗裔，各有土宇，行徹法制，謚典威德，遠暢九夷，八蠻莫不梯山航海而至。訪道于殷，臣箕子爲陳洪範，在位七年，壽九十三歲。子誦立，是爲成王。

周成王

元年丙戌，王冲齡卽位。周公旦負扆攝政，代王當國。管叔蔡叔爲流言曰：「公將不利於孺子。」奄君謂武庚曰：「此百世一時也，請舉事。」武庚遂與管蔡反。

時使管蔡二叔監武庚於殷，監謂監其國。周公奉王命討之，作大誥滅

傳經錄
三
武康誅管叔放蔡叔并定奄與淮夷公始歸政於王初武王作邑於鎬京謂之宗周將營成周於洛邑而未果至是成王卜洛使召公奭先相宅周公達觀新邑王城下都次第成於澗鄘焉遷殷頑民居之王仍還西都立九府圜法在位三十七年壽五十歲子釗立是爲康王

周康王

元年癸亥是時天下和平刑措四十餘年不用世稱文武成康之世爲至治焉在位二十六年子瑕

立是爲昭王

周昭王

元年巳丑周道漸衰王巡狩返濟漢漢濱人以膠膠船載之王至中流膠液王及祭公祭音蔡皆溺國名死在位五十一年子滿立是爲穆王

周穆王

元年庚辰王得八駿馬命造父爲御將周行天下周德於是日衰命呂侯作祥刑之書以誥四方五刑皆制贖鍰自王始在位五十五年壽百有四歲

子繁扈立是爲共王。

周共王

元年乙亥王游於涇上。密康公從有三女犇之。其母曰必致之王。康公不聽。王遂滅密。在位十二年。壽八十四歲。子囂立是爲懿王。

周懿王

元年丁亥。周綱不振。徙都於犬丘。廢丘在位二十五年。壽五十歲。弟辟方立是爲孝王。

周孝王

元年壬子。紂臣惡來之後。有非子者。善養馬。王命主馬於汧渭之間。馬大蕃息。封爲附庸。邑於秦。使續伯翳後。伯翳即帝舜時伯益在位十五年。壽六十五歲。諸侯復立懿王太子燮。是爲夷王。

周夷王

元年丁卯。覲禮不明。王始下堂而見諸侯。荒服不朝。命虢公帥六師伐太原之戎。在位十六年。壽六十歲。子胡立是爲厲王。

周厲王

元年癸未王行侈傲國人謗王王怒得衛巫使監
謗者告則殺之道路以目詩之變雅始作民心弗
忍乃相與叛襲王王出奔於魏在位三十七年太
子靜匿召公家國人圍之召公以其子代太子太
子竟得脫二相周公召公周召且奭相與協和共
理國政是曰共和王在魏又十四年崩周召奉太
子靜卽位是爲宣王

周宣王

元年甲戌旣卽位法文武成康之遺烈海內諸侯

復歸宗周嘗晏起姜后脫簪珥待罪自是勤於政
事卒成中興在位四十六年子宮涅立是爲幽王

周幽王

元年庚申初夏之衰也褒人之神化爲二龍夏后

殺之龍亡而藏其鬣

鬣龍所吐沫

於櫝傳及殷周莫之

發也厲王發而觀之鬣流於庭使婦人不幃而譟
之化爲玄黿王府之童妾遭而孕焉不夫而育棄
之於道時童謠曰壓弧箕服實亡周國有夫婦鬻
是器者見所棄妖子哀而取之逸逃於褒褒人有

獄獻女於王以其出於褒也號爲褒姒王嬖之生子伯服與號石父比而譖申后及太子王竟廢申后與太子宜曰山崩川竭災異迭見在位十一年申侯召犬戎入寇申太子之母國也王徵諸侯兵不至遂弑王於驪山下虜褒姒盡取周之寶賂而去諸侯卽申國立故太子宜曰是爲平王

附紀

幽王死諸侯立平王於申號公立王子餘二王並立餘爲晉文侯所殺是爲雋王見汲冢紀年

周平王

元年辛未豐鎬逼近戎狄不可居乃東遷都於洛邑而西周亡矣時天子微弱賞罰不行齊晉秦楚始大初犬戎之難秦襄公以兵救周王與誓封爵之始列爲諸侯盡予以西周所棄之地而周餘民亦并有之在位五十一年其四十九年卽魯隱公息姑元年孔子作春秋始此孫林嗣位是爲桓王

周桓王

元年壬戌伐鄭鄭莊公與王戰射王中肩王亦能

軍鄭人遣使謝勞天子威令下同列國矣在位二十三年子佗立是爲莊王

周莊王

元年乙酉初桓王寵少子克屬諸周公黑肩周公欲弑王而立克辛伯告之遂殺周公克奔燕在位十五年子胡齊立是爲釐王

周釐王

元年庚子齊桓公小白始霸會諸侯爲盟主王在位五年子閔立是爲惠王

周惠王

元年乙巳初王姚嬖於莊王生子頹有寵欲立爲太子而不克至是大夫邊伯五人怨王召燕衛伐周王出奔溫居於鄭諸大夫立子頹爲王鄭伯虢公同謀帥師伐周殺子頹及五大夫奉王歸周在位二十五年子鄭立是爲襄王

周襄王

元年庚午初惠王時少子叔帶有寵未得立叔帶謀與戎狄伐周王知之將誅叔帶叔帶奔齊及王

立狄人奉叔帶伐周王奔鄭遂立叔帶為王王告
急於晉晉文公重耳是時初返國乃帥諸侯伐周
而殺叔帶王歸周在位三十二年子壬臣立是為
頃王

○按襄王九年齊桓公小白卒宋襄公茲甫始霸
尋卒晉文公重耳始霸二十四年晉文公卒秦穆
公任好始霸三十一年秦穆公卒

周頃王

元年癸卯使毛伯如魯求金在位六年子班立是

為匡王

周匡王

元年巳酉晉趙盾弑其君靈公迎襄公弟黑臀於

周而立之

晉靈公實為趙穿攻殺於桃園以宣子不討賊亡不越境書曰趙盾弑其君太

史氏董狐之筆也

王在位六年弟瑜立是為定王

周定王

元年乙卯楚子伐陸渾之戎觀兵於周郊王使王
孫滿勞之楚子問鼎之大小輕重焉在位二十一
年子夷立是為簡王

○按定王元年。楚莊王侶始霸。十六年。楚莊王卒。五霸迭興。始於周莊王十二年。齊小白歸國。至周定王十六年。楚侶卒。而五霸之業終。凡歷七主。九十五年。

周簡王

元年丙子。吳始通於晉。以伐楚。吳泰伯之後。至十九世孫壽夢。其國始大。王在位十四年。子泄心立。是為靈王。

周靈王

元年庚寅。在位二十七年。子貴立。是為景王。

○按靈王二十一年。孔子生。即魯襄公二十二年也。

周景王

悼王附

元年丁巳。在位二十五年。先是太子聖早卒。王少子朝有寵。王欲立之。未果。單子劉子立。王次子猛踐位。子朝之徒作亂。猛卒。諸大夫奉王猛弟丐立。是為敬王。

周敬王

元年壬午周大夫尹氏立子朝為王據王城敬王不得入單子劉子與晉師力攻不克四年克之子朝出奔楚十六年復作亂王奔晉十七年晉帥師納王王入於王城在位四十三年子仁立是為元王

○按孔子修春秋絕筆於獲麟時敬王三十九年也四十一年孔子卒

周元王

元年乙丑在位七年子介立是為貞定王

周貞定王

哀王思王附

元年壬申在位二十七年巳亥子去疾立去疾立三月是為哀王庚子其弟叔襲殺去疾而自立是為思王叔立五月少弟鬼又襲殺叔而自立是為考王

周考王

元年庚子封其弟於河南是為桓公傳威公惠公號東周君王在位十六年子午立是為威烈王

周威烈王

傳錄金
元年丙辰初命晉大夫魏斯趙籍韓虔爲諸侯在位二十四年子驕立是爲安王

○按威烈王二十三年戊寅司馬光資治通鑑朱熹通鑑綱目皆於是年始

周安王

元年庚辰初齊田嘗弒簡公三傳而至太公和十一年田和遷齊康公於海上使食一城以奉先祀十三年田和會魏文侯於濁澤求爲諸侯王許之自是齊楚韓趙魏燕秦七國戰爭無已時各僭王

號天子擁虛名而已在位二十六年子喜立是爲烈王

周烈王

元年丙子齊威王來朝是時周室微弱諸侯莫朝而齊獨朝之天下以此賢威王在位七年子扁立是爲顯王

周顯王

元年癸丑是時河山以東疆國六淮泗之間小國十餘楚魏與秦接界皆以夷狄遇秦秦孝公發憤

傳錄金
布德修政欲以疆秦而蘇秦張儀輩游說列國合從者舉兵攻秦連衡者割地事秦天下騷然矣王在位四十八年子定立是為慎靚王

周慎靚王

元年辛丑在位六年子延立是為赧王

周赧王

元年丁未在位五十九年秦稱西帝遣使立齊君為東帝已而皆去之秦兵日夜出關攻諸侯昭襄王孝文王莊襄王相繼日盛至是攻西周赧王入

秦盡獻其邑三十六口三萬秦受之

東周君

史逸其名前考王封其弟於河南傳至惠公立長子為西周公又封少子於鞏襲父號曰東周惠公於是又分二支稱東西周也至赧王入秦丙午秦遷西周周公於黽狐聚而河南亡秦莊襄王元年壬子遷東周君於陽人聚而洛陽之鞏亡

周亡

周自武王己卯起至東周君壬子止共三十七王

凡八百七十三年紀元錄云八百四十四年

傳統錄卷之一終

通鑑全史彙編歷朝傳統錄卷之二

長洲 徐燇 禧綏社 鑿閱

劉 綦履公 纂輯 更名炳晨

吳郡 程維均 方平 較訂

秦紀

秦始皇帝

姓嬴氏名政其先出自黃帝栢翳為舜虞官上下
草木鳥獸遂賜姓嬴商末有裔孫曰蜚廉蜚廉生
惡來父子俱以材力事紂五世至造父別居趙城

非子居太丘好馬及畜善養息之周孝王使主馬於汧渭之間馬大蕃息孝王分土為附庸邑之秦使續嬴祀六世至襄公國始大時犬戎殺幽王於驪山下而秦襄拔周有功周東徙維周平王賜之岐以西之地與誓封爵之十世至繆公遂霸西戎十六世至孝公用衛鞅策廢井田開阡陌於是天子致伯子惠文君立與韓魏俱稱王伐蜀取之日益富強傳武王昭王孝文王莊襄王國益大乃滅東西周而與秦抗衡者尚有六國齊楚燕趙韓魏

也初莊襄王為世子時為質於趙用陽翟大賈呂不韋策得歸為嗣不韋有娠姬進之莊襄期年而生政莊襄立三年薨太子政生十三年矣遂冒嬴氏襲國封不韋為文信侯嬴氏之秦已絕元年乙卯恃累世之強用兵無虛日十七年滅韓虜韓王安以其地為潁川郡十九年遣王翦擊趙軍大破之遂克邯鄲虜趙王遷二十二年遣王賁伐魏魏王假降殺之遂滅魏二十四年王翦虜楚王負芻以其地置楚郡遂定江南降百越二十五年王賁

傳續錄
二
攻遼東虜燕王喜二十六年襲齊王建建降遂滅
齊初併天下自以爲德兼三皇功過五帝乃更號
爲皇帝命爲制令爲詔除諡法後世以計數欲自
始皇帝以至萬世傳之無窮定爲水德以十月爲
歲首色尚黑數以六爲紀可李斯議廢封建之制
分天下爲三十六郡郡置守尉監收天下兵銷爲
金人十二徙天下豪傑於咸陽十二萬戶封泰山
發童男女數千人入海求神仙築長城以備胡燒
詩書坑儒生建阿房宮役隱宮徒刑者七十餘萬

人長子扶蘇諫始皇怒使北監蒙恬軍於上郡三
十七年始皇東巡少子胡亥丞相李斯從七月崩
於沙丘秘不發喪棺載輜涼車中所至上食奏事
如故獨胡亥與宦者趙高五六人知之乃與丞相
斯謀矯詔立胡亥爲太子更爲書賜扶蘇及蒙恬
死胡亥至咸陽發喪卽位是爲二世皇帝

秦二世皇帝

元年壬辰趙高用事說以嚴法刻刑二世然之大
臣諸公子有罪輒下高僂死高指鹿爲馬莫敢斥

其非復作阿房宮。盡徵材士五萬屯衛咸陽。皆令自齎糧食。會陳勝吳廣起兵。諸郡縣苦秦苛法者。爭殺長吏以應之。謁者從東方來。以反者聞。二世怒。下之吏。後使至上。問之曰。羣盜鼠竊狗偷。郡守尉方捕逐。不足憂也。上悅。沛人劉邦起兵於沛。下相人項梁起兵於吳。奉楚懷王約束。各引兵西擊秦。六國亦爭自立。時丞相斯畏罪。阿二世意。勸行督責之術。刑者相半於道。而死人日積於市。秦民益駭懼。思亂。關東皆畔。丞相既誅。趙高恐二世覺之。乃謝病不朝。陰與其婿咸陽令閻樂將兵入望夷宮。數二世罪。二世自殺。在位三年。高立二世兄子子嬰爲王。

秦王子嬰

二世死。趙高悉召諸大臣公子。告以狀。曰。秦故王國。始皇君天下。故稱帝。今六國復自立。秦地益小。宜去帝號。爲王如故。乃立子嬰爲秦王。以黔首禮葬二世於南宜春苑中。趙高令子嬰齋。當廟見。受玉璽。子嬰謀曰。丞相殺二世。佯以義立我。我稱病。

傳統錄
不行丞相必自來來則殺之高果自往子嬰刺殺
高於齋宮三族高以徇子嬰立四十六日沛公劉
邦引兵繞峽關踰黃山擊秦軍大破之軍至霸上
子嬰素車白馬繫頸以組封皇帝璽符節降軹道
旁沛公以屬吏居數日項羽引兵西屠咸陽殺秦
降王子嬰燒秦宮室火三月不滅收其貨寶婦女
而東秦民大失望

秦亡

秦自始皇併六國後庚辰起至子嬰甲午止凡

三主共一十五年

附秦末諸國

楚

陳勝字涉陽城人二世發閭左適戍漁陽涉與陽
夏人吳廣次行爲屯長會天大雨失期當斬乃詐
稱公子扶蘇及故楚將項燕殺將尉召其徒屬舉
兵稱大楚爲壇而盟陳勝自立爲將軍徇斬以東
入據陳陳父老欲王之張耳陳餘諫不聽自立爲
王號爲張楚諸郡縣苦秦吏者皆刑其長吏以應

傳統錄
五
當此時。楚兵數千人。聚者不可勝數。秦兵尚強。爲秦將章邯等多所擊破。陳王之汝陰。還至下城父。其御莊賈殺以降秦。自二世元年秋起兵。至二年敗亡。而秦之海內騷然矣。其所置遣侯王將相。竟共起而亡秦。由勝之先發大難也。謚爲隱王。迨漢高時。爲勝置守冢三十家。

下相人項梁。故楚將項燕之子也。與兄子籍避仇吳中。籍字羽。力能扛鼎。曰學書。足以記名姓而已。劍一人敵。不足學。學萬人敵。二世元年。陳勝等起

大澤中。乃相與殺會稽守。得精兵八千人。渡江而西。及過淮。黥布蒲將軍亦以兵屬。凡六七萬人。軍下邳。會陳勝死。秦嘉立。故楚族景駒爲楚王。梁破滅景駒。并秦嘉軍。與秦將章邯戰。沛公劉邦亦起兵往焉。居鄴人范增說梁曰。秦滅六國。楚最無罪。懷王入秦不返。楚人憐之。至今陳勝舉事。不立楚後而自立。其敗固當。今君起江東。楚蠡起之將。爭附君者。以君世世爲楚將。爲能復立楚後也。梁狀其言。乃求楚懷王孫心於民間。爲人牧羊。立以爲

傳紀錄
楚懷王都盱眙。梁自號武信君。屢破秦軍。梁有驕色。宋義策其必敗。弗聽。二世悉起兵。益章邯。擊楚軍。梁大敗。定陶死。懷王恐。徙都彭城。秦擊趙。懷王召宋義爲上將軍。項羽爲次將。救趙。鉅鹿。留四十。六日不進。項羽卽上將軍帳中。斬宋義頭。出令軍中。諸將皆懼伏。引兵渡河。沉船破釜。持三日糧。以示士卒必死。於是與秦軍九戰。大破之。楚兵冠諸侯。諸侯將入轅門。無不膝行而前。莫敢仰視。是時秦兵屢敗。趙高居中用事。大將章邯懼誅。乃與羽

約和。羽既定河北。欲西入關。秦降卒多怨言。乃夜阬秦卒二十餘萬人。而沛公已先破咸陽矣。初懷王與諸將約。先入定關中者王之。羽願與沛公俱西。懷王不許。而遣沛公。羽挾趙後。略地至函谷關。有兵守不得入。羽大怒。攻破之。項伯知其謀。力左右。沛公僅以身免。居數日。羽屠燒咸陽。使人致命懷王。懷王曰。如約。羽曰。懷王我家所立。何以得專主約。乃陽尊爲義帝。分王諸將相。而自立爲西楚霸王。立沛公爲漢王。漢王之國。引兵還定三秦。羽

傳錄金
陰使九江王布擊殺義帝於江中。漢王爲義帝發喪。三軍皆編素。告天下。願從諸侯王擊楚之殺義帝者。楚漢相持五年。漢兵屢挫衄。約中分天下。界鴻溝爲東西。且解兵。張良陳平說漢王曰。此天亡楚之時也。急擊勿失。乃追項羽於固陵。時韓信彭越擁兵不赴。張良請以梁楚地捐兩人。於是皆會垓下。漢軍圍楚數重。羽潰圍至烏江。止有二十八騎。謂其騎曰。吾起兵八歲。身七十餘戰。未嘗敗北。今卒困於此。此天意。非戰之罪也。復奮勇擊殺。漢

將士數十百人。自刎而死。懷王初封羽爲魯公。及死。魯最後下。漢王以魯公禮葬之。爲發哀而去。

趙

張耳。大梁人。與同里陳餘友善。兩人相與爲刎頸交。秦皇聞其名。購求之甚急。耳餘變姓名。爲里監門。陳涉起。斬往從之。勸涉立六國後。益樹黨。涉不聽。願請奇兵北略趙地。乃以涉故所善陳人武臣爲將軍。張耳陳餘爲左右校尉。行收兵得數萬人。蒯通說范陽令降。趙地聞之。不戰皆下。於是武臣

自立爲趙王。陳餘爲大將軍，張耳爲右丞相。未幾，武臣爲其將李良所殺。趙人多爲張耳、陳餘耳目者，以故得脫出收兵。張耳乃求得趙歇，立爲趙王。居信都，爲秦將章邯兵所迫，走入鉅鹿城。陳餘軍鉅鹿北，張耳數使人召之，自度兵少，不敢前。張耳獨以陳餘不採，怨之。陳餘亦怒，脫解印綬推張耳，獨與麾下數百人之河上澤中漁獵。由是二人遂有却。漢元年，項羽立諸侯王，乃分趙立張耳爲常山王，治信都；信都更名襄國，以南皮旁三縣封陳餘。

而徙趙王歇王代。陳餘因悉三縣兵攻張耳，復收趙地，迎趙王歇於代，復王趙。張耳念諸侯無可屬者，往謁漢王。漢王厚遇之。漢三年，韓信已定魏地，遣張耳與信擊破趙井陘，斬陳餘泚水上，追殺趙王歇於襄國。趙亡。按漢立張耳爲趙王，子敖尚高祖長女魯元公主。

齊
田儋，秋人，故齊王田氏族也。儋從弟田榮、榮弟田橫，皆豪宗，疆能得人。陳涉據楚，儋乃自立爲齊王。因抹魏王咎於臨濟，爲秦將章邯所殺。儋弟田榮

收其餘兵走東阿。齊人聞王儋死復立故齊王弟田假爲齊王。田榮怒齊立假引兵歸擊逐之立田儋子市爲齊王。及項羽立諸侯王怨田榮乃徙田市更王膠東治卽墨。齊將田都有德於羽遂立以爲齊王。治臨淄。故齊王建孫田安以濟北數城降羽因立爲濟北王。治博陽。唯田榮不得王。項羽旣歸榮發兵擊田都。都亡走楚。追擊殺齊王市。還攻殺濟北王安。乃自立爲齊王。盡并三齊之地。項羽怒北伐之。榮走平原。平原人殺榮。榮弟田橫收齊

散兵得數萬人反擊敗羽立榮子廣爲齊王。而橫相之。漢高使韓信與曹參共擊虜齊王。頃田橫聞廣死又自立爲齊王。與漢兵戰不勝亡走梁歸彭越。後歲餘漢王爲皇帝。田橫懼誅與徒屬五百人入海島中。高祖使人召之。橫與二客乘傳詣雒陽。未至三十里橫自剄。高祖以禮葬之。二客亦自剄。海島中五百餘人聞之亦俱自殺。齊亡。

燕
韓廣者趙王武臣之將也。趙遣廣北徇燕地。燕之

豪傑立以為王。趙王歇與張耳陳餘略地至燕界。趙王間出為燕軍所獲，使者十餘輩往不得出。趙王廣為遼東王，未幾燕將臧荼弑遼東王廣，燕亡。

魏

魏豹者，故魏諸公子，其兄咎，故魏時封為寧陵君。秦滅魏，遷咎為家人。及陳涉稱王，咎往從之。陳王使周市略魏地，乃立咎為魏王。秦將章邯擊破魏軍，咎為其民約降，約定咎自燒殺。項羽破秦，降章

邯，豹下魏二十餘城，復立豹為魏王。漢元年，項羽封諸侯，欲有梁地，乃徙豹於河東，都平陽。為西魏王。漢高祖定三秦，魏豹以國屬焉。遂從擊楚，旋又叛。漢使酈生說之，不服。乃遣韓信擊虜豹於河東，傳詣滎陽，以豹國為郡，令豹守滎陽。楚又圍之，其將周苛殺豹，魏亡。

韓

韓成者，故韓諸公子，舊封橫陽君。秦二世二年，項梁擊殺楚王景駒，張良說梁立韓諸公子，乃以成

傳錄金
爲韓王。以良爲司徒。西略韓地。項梁敗死。定陶成
犇楚懷王。漢王引兵擊陽城。使張良降韓。故地得
故襄王孫韓信。以爲韓將。將其兵。至項羽分諸侯
王。以韓王成無功。不遣就國。更以爲列侯。漢遣信
略韓地。及爲帝。遂剖符封信爲韓王。王潁川。又詔
徙王太原。以北備禦。胡復徙治馬邑。後與匈奴冒
頓通信。降匈奴。漢十一年。使柴將軍擊之。斬韓王
信。韓亡。以上楚趙齊燕魏韓。雖非盡六國苗裔。皆借復
地。以誅暴秦爲名。故分悉其始末。餘皆漢高祖
功臣。不復記載。

漢紀

漢太祖高皇帝

姓劉名邦。字季。沛豐邑中陽里人。父曰太公。母曰
劉媪。媪息大澤之陂。夢與神遇。雷電晦冥。見蛟龍
於其上。而產高祖。爲人隆準龍顏。豁達有大度。不
事家人生產。常爲泗上亭長。爲縣送徒驪山。徒多
道亡。乃解所送徒曰。公等悉去。吾亦從此逝矣。徒

傳紀錄
中壯士願從者十餘人。陳涉起，父老殺沛令，立劉季爲沛公，與少年豪傑蕭、曹、樊、噲等收沛子弟二三千人。聞項梁在薛，往見之。梁益沛公兵，相與立楚懷王。項羽軍彭城西，沛公軍碭，引兵擊秦軍。懷王與諸將約，先入定關中者王之。當是時，秦兵強，諸將莫利先入關，獨項羽怨秦破項梁軍，願與沛公俱西。懷王不許，而獨遣沛公。沛公兵遂先諸侯至霸上，子嬰出降。沛公與秦民約法三章，秦民大喜。過望，項羽至，燒屠咸陽，盡改封諸侯，而立沛公

爲漢王。漢元年乙未，舉兵還定三秦。五年己亥，遂滅項羽而有天下。卽皇帝位於汜水之南，以火德。王朔仍建亥都洛陽。齊人婁敬說上都長安，上卽日駕至西都，定元功位次。始剖符封諸功臣。蕭何第一，曹參次之。更大封同姓，命叔孫通制禮儀，與匈奴結和親，尊太公爲太上皇。天下初定，猜忌漸起。族誅功臣，淮陰侯韓信、梁王彭越而黥布、陳豨、盧綰、韓王信等，乃不自安，相繼謀反，皆一一討平之。初，呂后生子盈，立爲太子。後戚夫人有寵，生趙

王如意帝以為類我屢欲易太子。上定黥布歸疾甚。易太子之謀益急。羣臣諫不聽。呂后從留侯張良計。招帝所不能致者四人來。東園公。綺里季。夏黃公。丹里先生。稱而太子始定。在位十二年。壽五十三歲。子盈商山四皓嗣立。是為孝惠皇帝。

漢孝惠皇帝

元年丁未。太后酖殺趙王如意。斷戚夫人手足。去眼。燻耳。飲瘖藥。使居廁中。命曰人彘。召帝視之。帝驚大哭。因病歲餘不能起。使人請太后曰。此非人

所為。臣為太后子。終不能治天下。因自廢。匈奴冒

頓音沒遺太后書。辭極褻嫚。報書深自謙謝。匈奴

大慚。遂獻馬求和親。帝在位七年。壽二十四歲。太后取后宮美人子即位為少帝。

附紀呂后

后名雉。字娥姁。單父人。呂公之女。呂公善相。避難依沛令。於沛令坐中。見高祖狀貌。因重敬之。遂以長女妻焉。生孝惠帝。及魯元公主。軍中常相失。與帝父太公俱為項羽軍所獲。高祖有天下。遂立為

后。豁達有英畧。韓彭之死。后頗有力焉。惠帝崩。張良子辟疆謂陳平曰。吾觀太后。哭不悲。畏君等耳。宜拜諸呂為將。以安其心。呂氏權由此日起。初。孝惠張皇后無子。呂后命取美人子。殺其母。以為太子。是為前少帝。呂后臨朝稱制。背高祖約。立呂氏三人為王。大臣不敢爭。少帝以甲寅立。在位四年。呂后尋幽殺之。又立恒山王義為帝。更名弘。是為後少帝。諸呂擅權。朱虛侯劉章忿劉氏不得職。借監酒。斬呂氏一人。劉氏稍強。八年。太后崩。壽六十。

二歲。劉章潛告兄齊王襄。舉兵討諸呂。呂產遣灌嬰擊齊。嬰屯滎陽。連齊以待變。會太尉周勃。丞相陳平。給呂產解兵。太尉得入北軍。軍中皆左袒。劉氏先誅呂產。遣人分部。悉捕諸呂。無男女少長。皆誅之。少帝亦遇害。大臣迎立高帝中子代王恒。是為孝文皇帝。

愚按高后取後宮美人子為太子。又封餘四子為王。史稱其為他人子者。誣也。漢法甚嚴。豈容異姓入宮。即入宮。又豈容五子之多也。况明係之曰。後

宮美人則但非惠后子耳。何遂非惠帝子耶。他日少帝自知非皇后子。曰。后安能殺吾母而名我。我壯。卽爲變。藉非真劉氏種。卽戇騃。亦不敢有此語矣。呂氏旣誅。大臣將迎代藩。非殺少帝不可。非併殺淮陽恒山王不可。然不重加以非惠帝子之名。則又安可盡殺也。其中委曲。本出大臣陰謀。文帝自代來。當亦不暇致問。及此。識者其可無辨。

漢太宗孝文皇帝

元年壬戌。漢興。掃除秦法。與民休息。帝立。益以恭

儉寬仁。每朝。郎官上書疏。未嘗不止。輦受其言。務以德化民。幾致刑措。除肉刑。及誹謗妖言諸法。開籍田。重農桑。南越王趙佗。乘黃屋左纛。稱制與天子侔。帝使陸賈往南越。并賜佗書。佗遂稱臣奉貢。初誅諸呂。朱虛侯章功尤大。大臣許以趙地王章。以梁地王興居。帝聞其初欲立齊王。故絀其功。割齊二郡以王之。濟北王興居。怏怏失職。發兵反。帝遣柴武討平之。淮南王長驕恣反。遷蜀死。在位二十三年。以十七年爲後元年。遺詔薄葬。令到出臨。

傳錄金
三日皆釋服太子啓立是爲孝景皇帝

漢孝景皇帝

元年乙酉文帝屢詔免民田租至是復令民半租三十而稅一行減笞法初帝爲太子黽錯官太子家令號曰智囊及卽位錯用事請削諸王封地先是吳王濞於文帝時不朝賜几杖以安之錯曰吳誘天下亡人謀作亂削之反不削亦反削之反速禍小不削反遲禍大時已削楚趙膠西郡縣且及吳吳遂合菑川膠東濟南七國反以誅錯爲名袁

盎素不善錯勸上斬錯赦七國上嘿然良久曰吾不愛一人以謝天下遂斬錯於東市拜周亞夫爲太尉將兵擊七國亞夫請以梁委吳絕其餉道吳楚兵饑甚乃引去亞夫追擊大破之吳王走保東越東越殺之楚趙膠西王自殺膠東濟南菑川王伏誅廢后薄氏立王氏爲后廢太子榮爲臨江王立膠東王徹爲太子在位十六年以八年爲中元年以十四年爲後元年壽四十八歲太子徹立是爲孝武皇帝

漢孝武皇帝

元年辛丑始立年號建元六年元光六年元朔六年元狩

六年元鼎六年元封六年太初四年天漢四年太始四年征和四年

後元二年凡在位五十四年帝承文景富庶好大喜

功因王恢之言欲誘致匈奴伏兵襲擊會謀泄單

于引去而和好遂絕衛青霍去病等相繼擊之深

入數千里斬首虜獲甚衆封狼居胥山自是匈奴

遠遁幕南無王庭矣南越平以其地爲郡遂通西

南夷遣張騫求名馬於大宛諸國初上好儒術招

選文學材智之士而性最嚴峻羣臣有過卽按誅

宰相封侯自帝始公孫弘封然以法夷滅不肯少

貸前此待大臣者所未有也主父偃請諸侯得推

恩分王子弟上以德施而實分其國此不削自弱

之道從之上好方士言神仙丹砂者不可勝算李

少翁封文成將軍樂大封五利將軍事敗往往誅

死置鹽鐵官立平準法封禪泰山造太初歷以正

月爲歲首色尚黃數用五定官名協音律制作紛

然而行夏之時百世不易矣先是陳皇后廢衛子

夫立爲后。生太子據。太子敦重好靜。常諫征伐。四夷帝笑曰。吾當其勞。以逸遺汝。不亦可乎。是時天下方士及諸神巫。多聚京師。變幻無所不爲。女巫往來宮中。教宮人度厄。輒埋木人祭祀之。江克故與衛氏有隙。恐後爲太子所誅。因上疾。克言祟在巫蠱。上使克治巫蠱獄。太子宮得木人尤多。帝在甘泉。太子將往謝罪。而江克持之急。太子從少傅石德計。發兵收捕克等。自臨斬之。后遂自殺。太子度不得脫。亦自經死。高寢郎田千秋訟太子寃。上

悟。族克家。作思子宮。爲歸來望思之臺於湖。乃下詔。深陳既往之咎。曰。朕卽位以來。所爲狂悖。不可追悔。今事有傷害百姓。及糜費天下者。罷之。田千秋請罷候神。上歎曰。嚮時爲方士所欺。天下豈有仙人。盡妖妄耳。後元元年。鈞弋夫人生子弗陵。年七歲。上奇愛之。心欲立焉。察羣臣唯奉車都尉霍光可任大事。乃畫周公負扆圖以賜光。而譴責鈞弋夫人至死。左右問其故。帝曰。往古國家之亂。由主少母壯也。汝不聞呂后耶。上疾篤。詔光立少子。

行周公之事。光頓首讓曰：臣不如金日磾。音密日磾亦曰：臣外國人，不如光。乃同太僕上官桀並受遺詔。壽七十一歲崩。子弗陵立，是為孝昭皇帝。

漢孝昭皇帝

乙未改元始元。六年元鳳。六年元平。一年共在位十三年。

武帝之末，海內虛耗，戶口減半。霍光知時務之要，輕徭薄賦，天下想望其風采。燕王旦謀反，詔以至親勿治。有男子乘黃犢車，詣北闕自稱衛太子。京兆尹雋不疑，叱從吏收縛，驗治，竟得誣罔，腰斬。上

官桀謀以五歲女孫為帝后，光以幼拒之。桀怨光，別與蓋長公主議，竟召入宮，候光出沐，詐為燕王旦上書，誣光罪。詔光入，光免冠謝。上曰：將軍冠。朕知是書詐也。將軍調校尉未十日，燕王何以得知之？時帝年十四，尚書左右皆驚，而上書者果亡。桀尋以謀反族誅。蓋主燕王皆自殺。帝壽二十二歲崩，無嗣。光迎立昌邑王賀，賀狂縱無度，田延年勸光更選賢明，遂與張安世定計，會羣臣白太后廢賀。光手解其璽綬，送昌邑邸，而更迎故太子據之。

孫病已卽位。是爲孝宣皇帝。

漢中宗孝宣皇帝

初衛太子之子史皇孫納王夫人生子病已。號皇曾孫。數月遭巫蠱事。太子妻妾男女皆遇害。皇曾孫亦繫獄。丙吉受詔治獄。擇女徒乳養之。望氣者言長安獄中有天子氣。武帝遣使治繫。無輕重皆殺之。及病已吉閉門不納。曰他人無辜死。猶不可。况親曾孫乎。帝寤赦之。昌邑王廢。霍光議所立未定。吉奏記光稱病已通經術。有美材。遂白太后迎。

皇曾孫卽位。更名詢。戊申改元本始。

四年地節元年

康

四年神爵

四年五鳳

四年甘露

四年黃龍

一年凡在位二十

五年。大將軍光稽首歸政。上謙讓不受。諸事皆先關白光。霍夫人顯欲貴其少女。會許皇后娠。使女醫淳于衍投毒弑后。地節二年。霍光薨。上頗聞毒后事而未發。四年。霍顯及霍禹霍山等日見侵削。遂陰謀廢立。事泄。族誅。皇后霍氏亦廢。帝信賞必罰。吏治民安。匈奴單于來朝。羌夷相率降附。稱漢室中興焉。圖畫功臣於麒麟閣。法其形貌。署其官。

爵姓名凡十一人。霍光張安世韓增趙充國魏相丙吉杜延年劉德梁丘賀蕭望

之蘇壽四十二歲崩。子奭即位。是為孝元皇帝。

漢孝元皇帝

癸酉改元。初元。年五立婕妤王氏為皇后。后王賀孫

女也。又改。永光。年五。建昭。年五。竟寧。年一。在位十六年。帝

牽制文義。優柔不斷。史高以外戚領尚書事。弘恭

石顯以宦者典樞機。誣蕭望之等為朋黨。前業衰

矣。陳湯斬郅支單于。呼韓邪單于請為漢婿。帝以

良家子王嬙賜之。壽四十三歲崩。太子驚立。是為

孝成皇帝

漢孝成皇帝

帝初即位。以元舅王鳳為大司馬大將軍領尚書

事。封王崇為安成侯。封王譚王商王立王根王逢

時悉為列侯。已丑改元。建始。年四。河平。年四。陽朔。年四。鴻

嘉。年四。永始。年四。元延。年四。綏和。年二。在位二十六年。宗室

劉向以王氏權位太盛。為洪範五行傳論奏之。上

心知向忠。終不能奪王氏權。王曼子莽見五侯子

乘時侈靡。偽折節為恭儉。外交英俊。內曲事諸父。

傳錄金
鳳死以莽為大司馬帝悅趙飛燕廢許后而立焉
後宮生子趙后盡殺之壽四十五歲無嗣以弟之
子定陶王欣為太子即位是為孝哀皇帝

漢孝哀皇帝

乙卯改元建平

四年

元壽

二年

在位六年帝欲收攬威

柄初即位罷大司馬莽就第屢誅大臣以效武宣
朕內受制於傅太后外則過任佞臣董賢大司馬
詔冊至有允執其中之語漢業由是不競壽二十
五歲崩無子太皇太后召莽莽收賢印綬即日自
殺莽仍為大司馬領尚書事迎中山王箕之子衍
為嗣元帝庶孫也是為孝平皇帝

漢孝平皇帝

辛酉改元元始

五年

帝年九歲太皇太后臨朝莽秉

政風塞外蠻夷稱越裳氏重譯獻白雉羣臣孔光
馬宮等盛陳莽功德比周公賜號安漢公五年策
命莽九錫因臘日上椒酒毒帝帝崩先是謝囂奏
武功長孟通浚井得白石上圓下方有丹書石文
曰安漢公莽為皇帝符命之起自此始於是羣臣

傳錄金
奏請安漢公踐阼謂之攝皇帝詔曰可莽利宣帝
玄孫廣威侯勳之子幼迎而立之是為孺子嬰

漢孺子嬰

丙寅改元居攝年三莽自稱假皇帝安眾侯劉崇東
郡太守翟義起兵討莽不克莽遂即真廢孺子為
安定公

附新莽

莽字巨君漢孝元皇后之姪王曼之子也時王氏
以外戚汰侈世執國柄莽獨匿情求名繼四父而

起被服如儒生朝論翁狀歸之上書頌功德者以

千數三輔兵破滅

翟義起兵討莽三輔豪傑應之吏士反攻破義

莽自謂

獲天人之助戊辰十一月以居攝三年為初始元

年即天子位初封新都侯遂定有天下之號曰新

更號漢太皇太后曰新室文母己巳改元始建國

年五

天鳳

年六

地皇

年四

并居攝

共十八年莽承漢業百

蠻賓服天下晏然一朝而有之其意未滿狹小漢

家制度伐匈奴置王田改官制不度時宜性多躁
擾天下警警陷刑者衆於是並起為盜賊矣荊州

新市人王匡王鳳南陽馬武潁川王常成丹各聚
 藏於綠林山中至七八千人琅琊樊崇南郡秦豐
 各聚眾數萬崇等朱其眉以相識別號曰赤眉新
 市平林兵奉宗室劉玄為主劉續劉秀等亦起兵
 舂陵大破莽兵於昆陽莽憂懣不能食但飲酒啗
 鰓音鳧魚讀軍書倦因憑几寐不復就枕聞漢兵皆
 言莽鴆殺平帝乃會公卿開所為平帝請命金滕
 之策泣示羣臣而膽日喪勢日孤矣地皇四年三
 輔義兵咸起應漢四會城下九月戊申兵從宣平

門入火及掖庭承明莽避火宣室旋席隨斗柄而
 坐庚戌旦明羣臣扶莽之漸臺眾兵上臺斬莽首
 分莽身傳首詣宛音鴛南陽縣名懸於市百姓共提擊之
 或切食其舌

附漢淮陽王

名玄舂陵戴侯之曾孫也莽末諸將起兵欲立劉
 氏以從人望憚劉續威明貪劉玄懦弱遂定策立
 以為帝癸未改元更始即莽地皇四年也在位二
 年降於赤眉光武帝即位詔封為淮陽王張邛等

使謝祿縊殺之。劉恭夜往收其屍，詔葬之於霸陵。
赤眉

劉盆子，故武侯萌之子，年十五，在軍中主牧羊。赤眉樊崇等以名爲羣賊，不可以久，乃立盆子爲上將軍，尋稱帝，改元建世。兄劉恭知其必敗，密教盆子解璽綬，因大會，下牀叩頭曰：「今設置縣官，而爲賊如故，此皆立非其人所致，必欲殺盆子，無所逃死。」崇等避席頓首曰：「請後不敢。」三輔翕狀稱天子，神明後二十餘日，復出大掠，盆子終不能制。建武

三年，赤眉走宜陽，帝親勒六軍待之。盆子乃遣劉恭乞降，上所得傳國璽綬，光武憐之，以爲趙王郎中，待以不死。

卜者王郎

王莽時，長安中有自稱成帝子子輿者，莽殺之。邯鄲卜者王郎，乃詐稱真子，與百姓多信之，立郎爲天子。趙國以北，遼東以西，皆望風響應，獨信都太守任光和戎太守邳彤不從。會光武起兵，率大將寇恂、吳漢等進拔邯鄲，郎走，王霸追斬之。

蜀公孫述

公孫述字子陽茂陵人莽末起兵據成都自稱輔
 漢將軍兼益州牧尋稱蜀帝改元龍興遣兵屯陵
 倉是時隗囂降漢助光武將馮異擊破之述遣使
 招囂囂斬其使出兵擊之故蜀兵不復北出光武
 曾與述書稱公孫皇帝隗囂叛述遣兵救之於是
 互為結援刺殺漢將來歙復刺殺岑彭建武十二
 年丙申光武率吳漢劉尚等進攻成都戰入克述
 兵大亂偏將高午奔陣刺述洞胸墮馬而死明日

其臣延岑以城降蜀地悉平

隗囂

隗囂成紀人莽末與周宗等起兵以應漢移檄郡
 國勒兵十萬攻隴西武都皆下後更始徵囂囂至
 長安尋逃歸天水復招聚其眾自稱西州上將軍
 三輔士大夫避亂者多歸之以馬援班彪為賓客
 由此名震西州聞於山東建武四年囂奉表詣闕
 帝報以殊禮遣子內侍後又惑都將王元之言稱
 臣於公孫述發兵反遣將高峻擁兵據高平第一

傳統錄
縣改元漢復八年帝命中郎將來欽伐之尋自征
囂竇融率河西五郡及羌虜小月氏等與大軍會
隗囂困極疾且餓恚憤而卒諸將立其少子純十
年漢攻破落門隗純降隴右悉平

○以上淮陽王劉玄赤眉劉盆子卜者王郎蜀公
孫述隴右隗囂皆與光武同時起兵以誅新莽
爲名因具詳之又梁王劉永據東方稱帝立張
步爲齊王董憲爲海西王涿郡太守張豐與叛
將彭寵連兵反而銅馬鐵脛尤來大槍上江青

犢富平獲索五幡以兵容強盛爲號悉屬草竊
不復備記

東漢紀

漢世祖光武皇帝

姓劉氏名秀字文叔長沙定王之後景帝六世孫
南頓令欽之子帝生於南頓有嘉禾一莖九穗之
瑞故名秀王莽改貨曰泉貨人以其字爲白水真
人帝竟從白水起與兄續事更始徇昆陽莽遣將
王邑王尋縱兵百萬圍昆陽秀自將步騎千餘爲

前鋒合戰，斬首數千級。諸部乘銳奔之，膽氣益壯。無不一可當百，遂殺王尋，莽兵大潰。於是豪傑響應，皆爭殺牧守。用漢年號，以待詔命。續兄弟威名日盛，諸將勸更始誅續。秀自父城馳詣宛謝，官屬迎弔。秀不交私語，未嘗伐昆陽之功，又不敢爲續服喪，惟深引過而已。尋拜破虜大將軍，封武信侯。又遷大司馬，立爲蕭王，令罷兵還長安。蕭王辭以河北未平，不就徵。始貳於更始，是時諸賊銅馬、鐵脛等，各領部曲，衆數百萬人。蕭王悉破降之，以降

人分隸諸將。故關西又號爲銅馬帝。王郎起趙地，亦破滅之。更始二年乙酉，諸將請上尊號，王不許。會儒生疆華自關中奉赤伏符詣王，羣臣因復申請，遂卽皇帝位於鄴南。改元建武。三十一
中元二
凡
在位三十三年。都洛陽。更始降於赤眉，帝要擊赤眉，赤眉降。劉永、張步、董憲相繼悉平。建武八年，帝自將征隗囂，囂衆大潰。九年，囂死。十年，隗純降。十一年，吳漢、岑彭等伐蜀。十二年，公孫述被創死。帝弘廓大度，推心置腹，故能芟刈羣雄，光復舊物。中

興之烈卓乎不可及矣。又破交趾。諸國遣子入侍。帝悉厚賜還之。郭后廢。太子疆意不自安。願備藩國。乃立陰后。東海王陽爲太子。壽六十二歲崩。太子嗣位。改名莊。是爲孝明皇帝。

漢顯宗孝明皇帝

戊午改元永平。先是光武之末。因赤伏符之異。按索河雒讖文。行封禪禮。起靈臺。明堂辟雍。宣布圖讖於天下。帝初卽位。宗祀光武於明堂。登靈臺。望雲物。臨辟雍。養老。引桓榮及弟子升堂。上自爲辯。

說冠帶之人。園橋門而聽者。以億萬計。帝崇尚儒學。自皇太子諸王。及大臣功臣子弟。外戚四姓小侯。莫不受經。期門羽林之士。悉令通孝經章句。匈奴亦遣子入學。法令分明。幽枉必達。永平之政。於東都稱首。思光武中興功臣。圖畫二十八將於南宮雲臺。鄧禹。馬成。吳漢。王梁。賈復。陳俊。耿弇。杜茂。寇恂。傅俊。岑彭。堅。鐔。馮異。王霸。朱佑。任光。祭遵。李忠。景丹。萬脩。蓋延。邳彤。又益以四人。王常。姚期。劉植。耿純。臧宮。馬武。劉隆。卓茂。唯馬援以椒房之親。獨不與焉。馬后亦深自謙肅。好讀書。常衣大練。裙不加緣。稱古來賢后。假

司馬班超節到鄯善斬匈奴使者定西域遠夷自汶山以西前世正朔所不加白狼槃木等百餘國皆稱臣奉貢而天竺佛法亦於是時始入中國矣在位十八年壽四十八歲子烜嗣立是爲孝章皇帝

漢肅宗孝章皇帝

丙子改元建初八年元和三年章和二年凡在位十三年時承永平故事吏治尚嚴切帝頗厭之每事務從寬厚而尊寵竇憲外戚之權由此起壽三十一歲

子肇嗣立是爲孝和皇帝

漢孝和皇帝

巳丑改元永元十六年元興一年帝卽位年甫十歲竇太后臨朝竇憲兄弟皆在親要之地都鄉侯劉暢來弔國憂太后數召見之憲懼暢分宮省之權遣客刺殺暢案舉得實憲懼誅求擊匈奴以贖死太后許之大破匈奴勒銘燕然山紀漢威德出塞五千餘里憲旣立大功驕縱益甚帝與中常侍鄭眾定議迫令自殺竇氏賓客俱收捕死策勛班賞宦

傳錄
官秉權自衆始焉。初帝爲梁貴人所生，竇后譖而廢之。養帝爲己子。至竇太后崩，梁氏訟寃，帝感慟良久，乃追尊生母爲太后，封梁竦三子爲侯，而終不追罪竇氏。在位十七年，壽二十七歲。子隆立，是爲殤帝。

漢孝殤皇帝

和帝少子，隱養民間，生僅百餘日。鄧太后立之。丙午改元延平。八月崩，迎清河王慶之子佑卽位，是爲孝安皇帝。

漢孝安皇帝

丁未改元永初。七年元初。六年永寧。一年建元。一年延光。四年
鄧太后猶自臨朝，每聞民饑，達旦不寐，躬自減膳，教諸王近戚子弟親爲監試，百務調整，故天下復治。延光元年，太后崩，帝始親政，信乳母王聖等讒，鄧氏五侯皆廢，遣大將軍騭罷侯就國，騭自殺。閹皇后兄弟並典禁兵，宦官江京、李閏等皆封列侯，扇動內外，傳通姦賄，廢太子保爲濟陰王。在位十九年，壽三十二歲。崩，閹后欲專國政，貪立幼主，迎

傳系金
濟北惠王子北鄉侯懿爲嗣。未幾，北鄉侯薨。中常侍孫程王康等十九人聚謀，迎故太子濟陰王卽位。是爲孝順皇帝。

漢孝順皇帝

丙寅改元永建。六年陽嘉。四年永和。六年漢安。二年建康。一年

凡在位十九年。帝卽位之初，天下想望其風采。黃瓊李固之徒相繼登用，東京之士於茲盛矣。然以誅閹顯，遷太后，論翊戴功，孫程等十九人皆封侯。而立后梁氏，梁商梁冀弄權柄用，闔寺又從而煽

惑焉。雖有善人不能濟也。壽三十歲崩。太子炳嗣立。是爲孝冲皇帝。

漢孝冲皇帝

乙酉改元永嘉。正月帝崩。梁太后徵章帝玄孫渤海孝王子纘卽位。是爲孝質皇帝。

漢孝質皇帝

丙戌改元本初。太后委政宰輔，李固言無不從。天下願望治平。帝年九歲，姿性聰穎，常因朝會，目梁冀曰：此跋扈將軍也。冀聞深惡之，使左右置毒於

煑餅以進。帝煩苦甚。召李固曰。食餅腹悶。得水尚可活。冀曰。恐吐不可飲水。語未絕而崩。在位一年。壽九歲。李固杜喬等皆欲立清河王蒜。冀聽中常侍曹騰計。策免固。迎蠡吾侯志即位。是為孝桓皇帝。

漢孝桓皇帝

帝章帝曾孫。年十五。梁冀定策立之。丁亥改元。建和三年。和平元年。元嘉二年。永興二年。永壽三年。延熹九年。永康元年。凡在位二十一年。時梁冀勢橫。一門前後七侯。

三皇后。六貴人。三大將軍。尚公主三人。卿將尹校五十七人。凶恣日積。帝與中常侍單超等定議。圍冀第。收冀印綬。冀自殺。梁氏無少長皆棄市。遂封超等。世謂之五侯。冀既誅。權勢皆歸宦官。傾動中外。災異迭見。而黨事又起。初帝為蠡吾侯。受學於甘陵周福。及即位。擢福為尚書。福同郡河南尹房植。有名當朝。二家賓客。互相譏揣。漸成仇隙。太學諸生三萬餘人。郭泰賈彪為其冠。與李膺陳蕃王暘等。更相褒重。中外承風。宦官惡之。告膺等共為

部黨誹謗朝廷。上怒，逮捕黨人所株連，皆天下名賢。時莫敢為言者。賈彪曰：「吾不西行，大禍不解。」乃說城門校尉竇武、尚書霍諝，使訟之。上意稍解。帝崩，無嗣。竇太后臨朝。城門校尉竇武定策禁中，迎河間孝王曾孫宏立之。時年十二，是為孝靈皇帝。

漢孝靈皇帝

帝章帝玄孫，解竇亭侯萇之子。竇太后立之。戊申

改元建寧

四年

熹平

六年

光和

六年

中平

六年

凡在位二十

四年。初，以竇武、陳蕃、叅錄尚書事。武與蕃同心戮

力，徵天下名賢。李膺、杜密等皆列於朝廷。中常侍曹節、王甫害之。會日食，武白太后，誅曹節等。太后猶豫，節、膺尚書作詔板，拜王甫為黃門令，持節捕武。武不受詔。陳蕃聞難，將官屬諸生突入尚書門，攘臂大呼，辨竇氏冤，并執蕃送北寺獄殺之。矯制使張奐率五營士討武，殺之。諸名賢俱廢錮。逮捕鈞黨無虛日。每下詔書，輒申黨人之禁。上年十四，問節曰：「黨人何用為惡而欲誅之耶？」對曰：「欲為不軌。」上曰：「不軌如何？」對曰：「欲圖社稷。」上乃可其奏。上

常歎桓帝不能作家。曾無私錢。乃開西邸。賣官入錢。各有差。又於後園作萬金堂。發司農金帛以實之。**光和**二年。司隸楊球。京兆尹楊彪。奏宦官罪惡。甫節俱伏誅。黃巾賊起。乃赦天下黨人。還諸徙者。惟張角不赦。角。鉅鹿人。奉事黃老。以妖術教授。分遣弟子周遊四方。徒眾至數十萬。以中常侍封諤。徐奉等為內應。着黃巾為識。壽三十四歲崩。太子辯立。何太后臨朝。中軍校尉袁紹。因勸太后兄大將軍何進。悉誅諸宦官。太后不聽。紹欲勒四方之兵。脅太后。兵未至。進為中常侍張讓等矯制所殺。袁紹乃

引兵捕諸宦者。無少長皆殺之。讓等迫。遂將帝與陳留王協。出穀門。讓等自投河死。董卓將兵至。迎帝於北芒阪下。尋廢帝為弘農王。弒何太后。帝立。甫一百八十日。改元**光熹**。又改**昭寧**。皆在靈帝**中平**六年也。立陳留王協即位。是為孝獻皇帝。

漢 孝獻皇帝

帝。靈帝中子。初立時。改元**永漢**。亦在**中平**六年。

庚午改**初平**。共在位三十二年。

年。關東州郡起兵討卓。推河北袁紹為盟主。紹屯

河內曹操屯酸棗袁術屯魯陽衆各數萬卓劫車
駕遷都長安燒洛陽宮廟發諸帝陵長沙太守孫
堅起兵至洛陽破卓修復諸陵而還初平三年司
徒王允定計誅卓百姓鼓舞於道卓素充肥守吏
爲大炷置臍中爇之光明達曙允性剛稜卓旣殲
滅自謂無復患難頗自驕傲卓部曲李傕郭汜等
求救不得乃舉兵入長安收允及黃琬殺之傕等
共秉朝政興平二年傕汜自相攻擊七月帝出幸
霜陵十月楊奉董承等奉帝幸華陰十二月幸弘

農傕等來追奉等僅以身免建安元年六月帝幸
洛陽是時宮室燒盡百官披荆棘依牆壁間曹操
在許謀迎天子乃將兵詣洛陽奉駕東遷自爲大
將軍封武平侯五年董承等謀誅曹操事泄見殺
七年袁紹死十三年曹操爲丞相十七年孫權徙
治秣陵更名建業十八年操自立爲魏公十九年
劉備圍成都劉璋降操弑皇后伏氏及皇子二人
初后與父完書令密圖操事泄操使郝慮收皇后
璽綬尚書令華歆勒兵入宮收后后藏壁中歆壞

戶發壁牽后出后被髮徒跣過帝前殿泣曰不能復相活耶帝曰我亦不知命在何時二十年立操女為皇后二十一年操進爵為魏王二十四年劉備襲殺操將夏侯淵遂有漢中孫權取荊州遣使稱臣於操侍中陳羣等勸操正大位操曰若天命在吾吾為周文王矣二十五年操卒太子丕即王位十一月帝禪位於丕魏奉帝為山陽公青龍二年三月山陽公薨壽五十四歲

傳統錄卷之二終

文化戊辰



5

